

Caravan Petrol

Renato Carosone

Caravan petrol!...
Caravan petrol!...
Caravan petrol!... (Ssss! Napoli!)
Caravan petrol!... (Napoli petrolifera!)
Caravan...

Mm'aggio affittato nu camello,
mm'aggio accattato nu turbante,
nu turbante a Rinascente,
cu 'o pennacchio russo e blu...
Cu 'o fiasco 'mmano e 'o tammurriello,
cerco 'o ppetrolio americano,
mentre abballano 'e beduine
mentre cantano 'e ttribbù...

Comme si' bello
a cavallo a stu camello,
cu 'o binocolo a tracolla,
cu 'o turbante e 'o narghilè...
Guè, si' curioso
mentre scave stu pertuso...
scordatello, nun è cosa:
Ccà, 'o ppetrolio, nun ce sta...
Allah! Allah! Allah!
Ma chi tha ffatto fa'?
Comme si' bello
a cavallo a stu camello,
cu 'o binocolo a tracolla,
cu 'o turbante e 'o narghilè!...

Cu 'o fiasco 'mmano e cu 'o camello,
cu 'e gguardie 'nnanze e 'a folla arreto,
'rrevutato aggio Tuledo:
nun se po' cchiù cammenà...
Jammo, è arrivato 'o Pazzariello!
S'è travestuto 'a Menelicche...
'Mmesca 'o ppepe cu 'o ttabbacco...
Chi sarrà st'Alì Babbà!?...

Comme si' bello
a cavallo a stu camello,
cu 'o binocolo a tracolla,
cu 'o turbante e 'o narghilè...
Guè, si' curioso
mentre scave stu pertuso...
scordatello, nun è cosa:
Ccà, 'o ppetrolio, nun ce sta...
Allah! Allah! Allah!
Ma chi tha ffatto fa'?
Comme si' bello
a cavallo a stu camello,
cu 'o binocolo a tracolla,
cu 'o turbante e 'o narghilè!...

Allah! Allah! Allah!
Ma chi mmha ffatto fa'?
Comme si' bello

a cavallo a stu camello,
cu 'o binocolo a tracolla,
cu 'o turbante e 'o narghilè!...

Caravan petrol!...
Caravan petrol!...
Caravan...
Caravan petrol!...
Caravan petrol!...
Caravan...